

Na osnovu člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), čl. 1. i 2. Okvirnog zakona o visokom obrazovanju u Bosni i Hercegovini („Službeni glasnik BiH“, broj 59/07), a u skladu sa Odlukom o usvajanju dokumenata potrebnih za daljnju implementaciju Bolonjskog procesa u BiH („Službeni glasnik BiH“, broj 13/08) i Zaključkom o usvojenoj Informaciji o uvjetima za upis u Evropski registar za osiguranje kvaliteta, sa 43. sjednice Vijeća ministara Bosne i Hercegovine održane 27.03.2008. godine, Vijeće ministara Bosne i Hercegovine, na 52. sjednici, održanoj 12.06.2008. godine, donijelo je

ODLUKU

o učlanjenju Vijeća ministara Bosne i Hercegovine u Evropski registar za osiguranje kvaliteta visokog obrazovanja

Član 1.

Ovom Odlukom Vijeće ministara Bosne i Hercegovine se učlanjuje u međunarodnu neprofitnu asocijaciju, Evropski registar za osiguranje kvaliteta visokog obrazovanja (European Quality Assurance Register for Higher Education – EQAR, u daljem tekstu Registar).

Član 2.

Ovlašćuje se Ministarstvo civilnih poslova Bosne i Hercegovine da predstavlja Vijeće ministara Bosne i Hercegovine u Registru.

Član 3.

Članarina za učlanjenje u Registar iznosi 2.500,00 EUR-a godišnje i plaćat će putem Ministarstva vanjskih poslova Bosne i Hercegovine.


Član 4.

Za sprovođenje ove Odluke zadužuju se Ministarstvo civilnih poslova Bosne i Hercegovine i Ministarstvo vanjskih poslova Bosne i Hercegovine

Član 5.

Ova Odluka stupa na snagu danom donošenja i objavljuje se u „Službenom glasniku BiH“.

VM Broj 108 /08
12-06. 2008. godine
Sarajevo



Predsjedavajući
Vijeća ministara BiH
dr. Nikola Špirić